

S'pura diundang dalam peraduan silat Asean

PULAU PINANG, Jumaat. — Satu Pertandingan Seni Silat Asean akan diadakan di Stadium Negara, Kuala Lumpur bulan depan.

Mahaguru Pertubuhan Seni Silat Lincah Malaysia, Encik Omar Din memberitahu demikian ketika singgah di sini hari ini dalam perjalanan ke Kuala Lumpur sekembalinya dari lawatan empat hari ke Indonesia.

Rombongan seramai lima orang itu telah melawat Medan dan beberapa tempat lagi di Sumatra untuk berbincang dengan pakar-pakar silat serta menjemput mereka menghantar pasukan mewakili ke pertandingan tersebut.

Katanya, Indonesia akan menghantar pasukan seni silat Ikhwanusaf, sebuah seni silat asli Indonesia yang akan mewakili negara itu dalam pertandingan itu nanti.

Menurutnya, pasukan dari tiap negeri dari Malaysia, Singapura, Thailand dan Filipina yang juga menjadi anggota Asean akan juga dijemput untuk bertanding.

Encik Omar dan rombongannya kini dalam rangka lawatan ke negara-negara Asean bagi menjemput pasukan seni silat kepertandingan tersebut.